



სსიპ შოთა რუსთაველის ეროვნული სამეცნიერო ფონდის გენერალური  
დირექტორის

ბრძანება № 57

2011 წლის 23 აგვისტო

ქ. თბილისი

„დოქტორანტურის საგანმანათლებლო პროგრამების თანახელმძღვანელობის 2011 წლის კონკურსის გამოცხადებისა და კონკურსის პირობების დამტკიცების შესახებ“ სსიპ - შოთა რუსთაველის ეროვნული სამეცნიერო ფონდის გენერალური დირექტორის 2011 წლის 13 ივნისის №38 ბრძანებაში ცვლილების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლის, „დოქტორანტურის საგანმანათლებლო პროგრამების თანახელმძღვანელობისათვის სახელმწიფო გრანტების შესახებ დებულების დამტკიცების შესახებ“ საქართველოს მთავრობის 2011 წლის 16 თებერვლის №87 დადგენილებით დამტკიცებული დებულების მე-3 მუხლის, „საჯარო სამართლის იურიდიული პირის - შოთა რუსთაველის ეროვნული სამეცნიერო ფონდის წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივლისის №62/ნ ბრძანებით დამტკიცებული წესდების მე-4 მუხლის მე-2 პუნქტის „ბ“ და „თ“ ქვეპუნქტების საფუძველზე

ვბრძანებ:

1. შევიდეს ცვლილება „დოქტორანტურის საგანმანათლებლო პროგრამების თანახელმძღვანელობის 2011 წლის კონკურსის გამოცხადებისა და კონკურსის პირობების დამტკიცების შესახებ“ სსიპ - შოთა რუსთაველის ეროვნული სამეცნიერო ფონდის გენერალური დირექტორის 2011 წლის 13 ივნისის №38 ბრძანებაში და სახელმწიფო სამეცნიერო საგრანტო კონკურსის - დოქტორანტურის საგანმანათლებლო პროგრამების თანახელმძღვანელობის პირობების მე-6 მუხლის მე-5 პუნქტი ჩამოყალიბდეს შემდეგი რედაქციით:  
„5. პროექტების ელექტრონული რეგისტრაცია შესაძლებელი იქნება 2011 წლის 20 ივნისიდან 17 ოქტომბრის 24 სთ-მდე. ელექტრონულად დარეგისტრირებული

პროექტებისათვის ამ მუხლის მე-3 პუნქტით გათვალისწინებული დოკუმენტი ფონდში წარმოდგენილი უნდა იყოს არაუგვიანეს 20 ოქტომბრის 18 საათისა.

2. დაევალოს სსიპ - შოთა რუსთაველის ეროვნული სამეცნიერო ფონდის ადმინისტრაციული და სამართლებრივი უზრუნველყოფის დეპარტამენტის მთავარ სპეციალისტს (მ. დათუაშვილს) ბრძანების საჯაროდ გაცნობისათვის განთავსება სსიპ - შოთა რუსთაველის ეროვნული სამეცნიერო ფონდის ვებგვერდზე: [www.rustaveli.org.ge](http://www.rustaveli.org.ge).
3. ბრძანება ძალაშია საჯაროდ გამოცხადებისთანავე.
4. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში ქ.თბილისის საქალაქო სასამრთლოს ადმინისტრაციულ საქმეთა კოლეგიში (მის: დავით აღმაშენებლის ხეივანი მე-12 კმ. №6).

კარლო ლაფერაძე

გენერალური დირექტორის  
მოვალეობის შემსრულებელი

ქ. თბილისი  
საქალაქო სასამრთლოს  
ადმინისტრაციულ საქმეთა კოლეგიში